

說文大字典

開

普

古

皇

初

說

文

大

字

典

結

總

中

皇

初

說文大字典

25719


沙青岩·辑

說文大字典



科工要學院802 2 00840246

天津市古籍書店



(根据求古斋石印本影印)

说文大字典

沙青岩辑

*

天津市古籍书店影印

天津市美术印刷厂印刷

新华书店天津发行所发行

787×1092毫米 1/32 印张：27

1982年第1版 1988年第3次印刷

定价：(覆膜) 5.70元

吳序

漢律學傳試祖籀書者為吏又以八體課最為
尚書史唐時國子監有書學選舉志云凡書學
先口試通乃墨試說文字林二十條通六為第叔
其時教學相承皆能習其初故六書之重比於六
經昌黎雖不喜書然嘗曰凡為文詞宜略後字未

有不後字而少自附於學人者也自宋淳熙以後
更洒掃應對進退之節為小學庫書曰亡學者
後字而日少有的局於淺陋咕嗶之子習四子書或
未免一經輒取青紫如拾芥回以凡將元尚諸君
有茫然不知其所謂者蓋小學之不明也久矣
昌運重開文治蔚起黜儒碩產弱為根柢

學也時名任子田之字林部二零之爾雅正義王
懷祖之廣雅疏證孫淵如之倉頡篇莫不遠紹
旁搜有功小學然其所據以為通經之淵藪攷古
之梯航者實賴說文之歸然猶存而說文之得
存者又賴二徐之明翼不少然徐氏新附四百餘
文論者已病其贅即顧寧人以商星毫國指駁

許其疎陋之穢人反集矢於其目乃欲彌其瑕
隙廣其甄收補其疑闕爲掌遠跡以成一書
豈不難哉余游松江時晤沙子笠甫其論許氏學
甚精其徵引金石文字尤博可謂當今之學人也
及余返滬漬之笠甫又示以此書示余其
尊人東巖先生之所著之笠甫助成之者也其

書以說多爲宗於文有增於渾者補字之次第由
楷而篆由篆而籀順而據準古而知今逆而推探源以
徹流夥頤哉言之諸子乎昔顏師古著匡謬正俗
其子楊廷爲符璽郎始表上之特詔付秘書省人
固有窮年斲之著書等身而後歟其人一旦曩草
荒烟同歸漸滅者亦復何限今望南能讀父書且

韋超庭以裏鉅製他日上遊

乙覽為金匱石室之藏此一書也可以千古奚惜子

雲亭香以將汪先生後之問壽字於其間也

嘉慶七年冬十月錢唐吳錫祚撰



阿序

上古聖人繼天立極所以察萬類分萬象統萬事
治萬民格物窮理以垂教於萬世者惟文字為教
化之本而六書實文字之源也自羲農以降周太
史籀始作大篆秦丞相斯復作小篆而程邈變篆
為隸古意漸湮迨後變隸為楷殊體間出俗趨簡
易譌偽日增漢太尉許慎纂說文解字十五卷分

部精嚴卓存古意然惟字脩形聲義多闕畧二徐較定各有未詳至後諸家非譌其畫即謬於音其引說文者祇可據以較說文古文邈而俗字增求其點畫不移偏旁不謬音切不誣者戛戛乎難之嘉興沙君青巖博雅淹貫上稽篆籀下逮楷真考六書之源流究四聲之平仄用心三十年註有成書於五典三倉無所不脩凡漢儒之闕義宋儒之

未詳据史援經去其穿鑿正其譌謬補其闕畧洵
乎真諦存而蕪謬去矣吳穀人祭酒序此書嘆其
精博以為可以千古關晉軒少宗伯以為貫通三
代洞徹六經二千年見暗室之燈吳蠡濤廉使序
云千百年金銳刮目在元尚凡將之上旁及海內
名儒見者無不傾心低首豈輕於篤信哉克庸陋
不文未嘗學問雖心知好古時慨望洋何足以論

源流知闡奧乎惟敬念

聖天子懋勤稽古究心實學今得此書徧質同人皆
謂義脩理明足為藝林嘉惠用是授之梓人助其
刊鋟使好學者藉備考證之資庶幾竟委窮源於
六書得其會通是則鄙懷之所冀幸爾

嘉慶十一年丙寅春二月粵東督權使者長白阿

克當阿書



開序

余曩昔習靜南屏久耳嘉禾沙君
青巖有是書之著未獲先睹為快
後余忝竊科名直承明典著作一時
賢士大夫名流鉅儒傳誦其書不絕
口以為太尉之後二千年見暗室之一

燈耿、有此耳歲甲寅奉

使八閩輜軒所至訪得是編因息、行
次略窺一斑未目全豹迄丙辰八月青
巖携書來京師昕夕過從以余為老
馬之識塗一字、疑剖析微茫逆橫
千古不揣荒陋竊加商訂按是書篆

宋許氏而正其謬例倣宣城而宏其用
貫通三代之文洞徹六經之旨補漢儒
之闕義詳宋儒之未詳援經作據說
理自狀至於篆法之端整嚴肅非徒
為近代說文中之創見直可上並斯冰
下駕鐔鉉余讀是書卒業而嘆曰縱

使太尉復生亦當稱善況後乎太尉者哉

內閣學士兼禮部侍郎仁和關槐撰

